



UNIVERSITÄTS-  
BIBLIOTHEK  
PADERBORN

**Nicolai Sanderi Angli Doct. Theol. De Origine Ac  
Progressv Schismatis Anglicani Libri Tres ...**

**Sander, Nicholas**

**Coloniæ Agrippinæ, 1610**

Fructus, quem ex ea persecutione Catholici sunt indepti. Cap. XIV.

---

[urn:nbn:de:hbz:466:1-64680](https://nbn-resolving.org/urn:nbn:de:hbz:466:1-64680)

Hoc est primo in ianitoris sui custodia. Secundo in carcerem qui vocatur, Porta Vestmonasteriensis.

64

Appendix siue Liber Quartus

mortui ignominiam diuulgaretur) reiectus est ab eis ad Superintendēdem Londinensem, qui illum primum in vnum carcerem, deinde in alium, tertio in arcem Londinensem coniecit, vbi ad quartum ferè annum, vix euitatis tormentum, penam luit huius nefandi restitutionis flagitij.

Fructus, quem ex ea persecutione Catholicici sunt indepti.

#### CAPVT XIV.

**A**Vdiuisti Christiane lector, modos quibus Anglicani hæretici religionem Catholicam ex suo regno extirpare, ac omnes qui eam profitentur, persuadere allaborant; Modos reuera absque modo, media impia, crudelia, infamia, hæreticis Calvinianis propria, in Inferno tradita, & in Sathanæ schola excogitata. Vt ergo bonitas Dei intelligatur, quantoque eius brachium hostium suorum malitia potentius sit, in vulgus etiam constet: Sciant mihi omnes Catholici, quotquot aliquando hanc historiam lecturi sunt, id tandem Reginam ac illius ministros cum omnibus suis machinis, quibus hactenus religionem nostram oppugnauerunt, fuisse consecutos, quod Catholici confirmati, purgati, in multis reformati, post persecutiones istas maiore cum cautela & diligentia, in fidei suae confessione viuere incœperint. Cum enim Regina Maria moriretur, & religio in Angliam mutaret, post Episcopos & prælatos Catholicos captos & fugatos, populus velut ouis grex, sine Pastore in magnis tenebris & caliginē

gine animarum suarum oberrauit. Vndè etiã factum est, multi vt Catholicorum, superstitionibus, impijs dissimulationibus, & grauibus iuramentis, contra Sanctę Apostolicę sedis autoritatem cùm admodum paruo, aut planè nullo conscientiarum suarum scrupulo, affuescerent. Frequentabant ergò hæreticorum Synagogas, intererant eorum concionibus, atque ad easdem etiam audiendas filiam & familiam suam compellebant. Videbatur illis, vt Catholici essent, sufficere vnà cū hæreticis eorum templa non adire ferre autem posse, si ante vel post illos eadem intrassent. Communicabatur de sacrilega Caluini coena, vel secretò & clanculum intra priuatos parietes Missam qui audiuerant, ac postea Calvinianos se haberi volebāt, ij Dei se præcepto satisfacisse existimabant. Deferebantur filij Catholicorum ad Baptisteria Hæreticorum, ac inter illorum manus, matrimonia contrahebantur. Atque hæc omnia sine vilo scrupulo fiebant, puta propter Catholicorum Sacerdotum ignorantia, qui talia vel licere credebant, vel timore quodam præpediti, dissimulabant. Nunc autem per Dei misericordiam omnes planè Catholici intelligunt, vt saluentur, non satis esse corde fidem Catholicam credere, sed eandem etiam ore oportere confiteri. Tùm non Iudam tantùm, qui Seruatorem nostrum prodidit & vendidit, sed D. Petrum etiam peccasse, qui eum negare non dubitauit. Non negant Papam vniuersale Ecclesię caput esse, & Christi in terris vicarium; Inficiantur autem Reginam

spiritua

Spiritualem aliquam in Anglia auctoritatē sibi arrogare posse. Sciunt non licere sibi hæreticorum synagogas adire, & eorum conciones non audire: Sciunt se filios & domesticos suos ad Caluiniana templa mittere non debere, ne, quos Christo genuerūt, eos Diabolo immolent atque sacrificent. Venerant illi sancta Ecclesiæ Sacramenta, honorant Sacerdotes, ac omnia alia sacra obseruant. Imò etsi Regina morte sanciat, ne quis agnū Dei, cruces, medalia, & rosaria benedicta circumferat: ea tamen Catholicorum pietas est, potius vt vitam, quā deuotionis suæ fructum perdere velint. Denique vt vno verbo omnia complectar, petet horribilem isthanc persecutionem, Catholicos magna ex parte correxisse: tribulationisque illum ignē, præteritorum peccatorum scoriam sustulisse, ac illos in Dei amore feruentiores splendidioresque effecisse.

*Catholici in Anglia Hæreticorum Synagogas adire, & Reginam pro Ecclesiæ suæ capite agnoscere nolunt  
Eius rei causæ.*

## CAPVT XV.

**D**Vo ferè esse, quæ hæretici Catholicis in Anglia opponere ac obijcere consueuerunt, ex ijs quæ hæcenus à nobis allatas exemplis, facilè omninò intelligitur. Primum est, quòd Anglicanas Synagogas non frequentare, & hæreticorum concionibus non interesse: Secundum, quòd Reginam Angliæ, in spiri-